

NIX NEIS

4/4-Takt, G-Dur. Furioser Volksmusik-Offbeat.

INTRO

||: G | D G | G | D G :||

REFRAIN

| G | D G | G | D G
Is neie Joär neie Joär fängd wi is olde oh.
| G | D G | G | D G
Es nimmd sein Lauf nimmd sein Lauf und heärd genausu auf.
| G | D G | G | D G
In dem Millenium lenium do bleim di Leid su dumm,
| G | D G | G | D G
genausu dumm nausu dumm und aa genausu gscheid.

1. STROPHE

| Cadd9 | G Cadd9 | Cadd9 | G Cadd9
Die Winzer dun verdünna, die Bankn dun regiern.
| Cadd9 | G Cadd9 | Cadd9 | G Cadd9
Die Bayern denna gwinna, die Glubberer verlieren
| F | C F | F | C F
Die Waffnhändler spendn, wer spendn dud, schaffd oh.
| F | C F | F | C F
Die Dummheid dud nie endn, der Stoiber, der is froh.

REFRAIN

2. STROPHE

Di Zeidungsfritzn lienga, Bolidigger wern gschmierd.
Die Metzger dun falsch wienga, der Obdachlose frierd.
Die Maurer denna pfuschn, Spekulantn zockn.
Die Weicheier warm duschn, die Wärdshaushocker hockn.

WIRTSCHAUSGESPRÄCH - darüber ständig die Akkorde | G | D G |

"Soochamol du!" - "Wer, iech?"
"Na wer denn sunsd!" - "Wos isn?"
"Hobb, sooch hald du amoll wos." - "Wos sollin sohng?"
"Gell du waßd aa nix Neis?" - "Hä?"
"Obsdu nix Neis waßd?" - "Wieso iech?"
"Soochamoll, hasd du ercherdwos?" - "Hob iech wos gsachd?"
"Du verblauderst di ned." - "Miech froochd ja aa nie anns."
"Du saxd ja aa nie wos." - "Walls eh worschd is."
"Des kannsd laut sohng." - "Die denna ja doch alle wos wolln."
"Mier wärn ja eh ned gfroochd." - "Do kannsd eh nix machn."
"Do dud si eh nix." - "Iech sooch nix."
"Iech aa ned." - "Wos willsdn do nu sohng?"
"Geh ford." - "Hör bloß auf."

ZWISCHENSPIEL = INTRO

3. STROPHE

Es jammern alle Bauern und leckn ihre Wundn.
Verkaiferi is sauer, sie haßd an jedn Kundn.
Is Bohnhofsclo is dreckerd. Geschlossn sin die Lädn.
Der backne Karpfm schmeckerd, häd er ned suviel Grädn.

NACHSPIEL = INTRO

© Text und Musik Wolfgang Buck 2000. Erschienen auf der CD "Sambesi" 2001.